



TAU: 01 WĀHANGA: 1 WHĀNAU:

26 o Haratua 2020

Ngā mihi maioha ki tō tātou Kīngi Tuheitia, arā ki te Kāhui Ariki whānui tonu. Pai mārīre ki a rātou.

Ki ngā tini mate o te wā, haere atu rā ki te paepae o Matariki, o Rēhua, haere atu rā koutou.

Hoki mai anō ki a tātou te whānau o Tōku Māpihi Maurea Kura Kaupapa Māori, mauri ora ki a tātou!

Kua hoki mai te nuinga o ngā tamariki ki te kura i tēnei wiki. Kei te waia haere tātou katoa ki ngā tikanga hou, arā te hōroi ringa, te noho wehe, te aha, te aha. Me mihi ka tika ki a koutou ngā whānau mō ngā mahi tautoko, ki ngā tamariki anō hoki mō te whai tika i ngā tikanga.

He Aumihi

He mihi tēnei ki a Malakhai Parker, kua hoki mai ia ki tō tātou kura. He Tau 8 a Malakhai. Nau mai, hoki mai e tama!

He Mihi Whakatau

Nei rā te mihi ki a Reopiki Takerei, te RTLB hou e noho mai ana ki tō tātou nei kura. E hāpai ana a Reopiki i te tūnga o Leeana mō ngā wāhanga e rua. Kei Kirikiriroa a Reopiki mai i te Ratū ki te Rāpare.

Nau mai, haere mai Reopiki ki tō tātou nei kura.

He Piripoho

Rere atu ngā mihi ki te Whānau Whitiora/David nā runga anō i te whānautanga mai o tō rātou pēpi hou. Nau mai e tama ki te ao kikokiko nei.

Mirimiri i a Hirikapo

1. He inoi kia kuhu mai ngā tamariki anake i tēnei wā ki roto i te kura. Inā he take kia kuhu mai ētehi atu, me haere ki te Tāri, kei reira tētehi pepa hei waitohu.
2. Me kuhu mai ngā tamariki mai i te tomokanga ki te kura.
3. Kia tūpato i te rori - pai ake te haere ki roto i Kēti 10, ā ka huri ki reira, katahi ka hoki mai ki te tomokanga (hei aha ngā "huringa u", (he tino mōrearea te rori).
4. Me mau mai ia tamaiti i tōna ake pātara inu wai, tēnā whakaingoatia.

He ngākau mākoaha, he ngākau aroha ...

Ko tēnei tētehi o ngā tino kitenga i ngā wiki kua hori, ko te ngākau mākoaha o ngā tāngata huri noa i te ao.

Ko te wawata tērā ka kite tonutia e tātou i tō tātou hāpori, i tō tātou nei kura hoki.



Rāhina 01 o Pipiri

Rā Hararei (Queen's Birthday)

TŌKU MĀPIHI MAUREA KURA KAUPAPA MĀORI

"Aroha atu, aroha mai."



Rā Hararei

Kua e wareware kua kati te kura hei te Rāhina 01 o Pipiri (Queen's Birthday).

First Credit Union

Kua hikina mō tēnei wā, ēngari mēnā e hiahia ana ki te whakatū 'automatic payment' me whakapā atu ki a First Credit Union.

<http://www.firstcreditunion.co.nz/contact-us/>



Lunch Orders

Tirohia te whārangi ipurangi nei mō ngā kōrero, ngā rārangi kai anō hoki:

Ka tuku tonu mā te ipurangi, i te kāinga, ā, ka tuku mai kamupene i ngā kai ki te kura i mua i te tīmatanga o te wā tina (11:55 karaka).

He hurahi ngāwari tēnei mā te kura i te mea kāore he take mō te tonu pūtea mai ki te kura. Nā reira whakamatauhia!! He reka rawa te āhua o ngā kai, he kai hauora anō hoki!

<http://lunchorders.co.nz>

Poitarawhiti 2020

Nā runga anō i ngā āhuatanga o te wā kei te noho tārewa tonu te whakataetae poitarawhiti. Ahakoa tēnā kua whakaaro ake ki te kohikohi tonu i ngā ingoa o ngā tamariki e hiahia ana ki te tākaro me ngā tāngata e hiahia ana ki te whakahaere tīma i tēnei tau.

Nō reira mēna e hiahia ana tāu tamaiti ki te tākaro i tēnei tau, whakakī te wāhanga i raro iho nei, whakahokia mai ki te tari i mua i te mutunga o te wiki nei.

Poitarawhiti 2020

E whakaae ana kia tākaro a _____ i te poitarawhiti i tēnei tau 2020.

Porowhitangia te tīma o tāu tamaiti:

Tau 3/4

Tau 5/6

Tau 7/8

E wātea ana ahau ki te whakahaere i tētahi tīma poitarawhiti:

Ae/ Kao

Ko tēhea tīma poitarawhiti?

Tau 3/4 Tau 5/6 Tau 7/8

Waitohu: _____



TŌKU MĀPIHI MAUREA KURA KAUPAPA MĀORI

Poitūkohu

Ka mōhio a Whaea Jadee he aha ngā whakaritenga mō te poitūkohu i muri mai i te 22 o Pipiri.

Haupoi Reti

E kimi kaitākaro ana mātou mō te Wāhanga 3! Mēnā e hiahia ana tāu tamati te tākaro, whakakīa te pepa ki raro iho nei.

E whakaae ana ahau kia tākaro Haupoi Retireti taku tamaiti a

i tēnei wahanga.

(Porowhitangia)

E wātea ana ahau ki āwhina. Āe/Kāore

Waitohu: _____

Uru Pītiti -Tau 7 & 8

Kua tāpiri nei te pūnaha hauora mō ngā mahi ki uru pītiti. Hei te rātū 02 o pipiri tīmata anō ai ngā akoranga. Me mau hū tika ngā tamariki.

Project Energize

HUAMATA KUUMARA

HUAMATA RAUMATI PAAREKAREKA

- 3 kuumara – kua tapahia parakatia
- 2 tipune o te hinu
- 1 rapikama – kua tapatapahia
- ½ aniana whero – kua tapatapahia
- He kapunga ringa nui o eetahi rau kaakaariki, peenei i te rengarenga
- Hei koowhiringa pesa: 70g Feta – tapahia parakatia
- 2 tipune, miere
- Wai reemana, 1 reemana

Raua ngaa kuumara ki teetahi paepae tika moo te umu, ringhia ki te hinu ka tunua ai ki te paamahana 180° moo te 20 meneti. Unuhia mai i te umu kia heke ai te paamahana, ka ranua ai ki ngaa huawhenua. Ki teetahi ipu kee atu, ranua te reemana me te miere, ka ringhia ai ki runga i te huamata.

Tokoono taangata e taea ariā e teenei

Developed by Sport Waikato 2017

Whakaaro mō te wiki

*He māramatanga tō tēnei whetū.
He māramatanga tō tērā whetū.”*

Nāku noa
Laura



TŌKU MĀPIHI MAUREA KURA KAUPAPA MĀORI

